

ME CAR AMIS, A SON GAJOOD, AT SCRIV DAL PARADIS.  
AL SAT CHE AI ME TEMP CUI CH'I MURIVU  
RIVÒNDA DAU SIGNUR I STAVU BRAV  
E CUI AN PÒ BALURD IS NASCUNDIVU  
PÈR POURA CH'UI MANDEISA AN CA DU DIAUV.

I MÒRT CH'UI RIVA ADÈS I SON TÜCC MAT...

PÈR FÈS DIFENDI I VORU L'AVUCAT...

E I NÒSTER SÒNT, CH'I SON DI PULASTRON,  
S'I J'ESU ÒNCHE TÒRT IJ DÒN RASON!

J'È D'J'ÒNGEL CH'I SON SPEJI DU DEMÒNI  
CH'I CUNTRÒLU 'SE CH'I DISU I TESTIMÒNI  
E S'I NA SENTU JÈN CH'UI DA ADÒS...

IL SPECIU AD FORA E DÒP IJ ROMPU J'ÒS!

IN PÒVER SICILIÒN CH'A L'ERA MÒRT  
A L'È RIVÀ DA CHI SARÀ 'NT LA BARA,  
DA L'ISPESSION CH'L'À FACC EL BECAMÒRT...  
A SUT LA GIACA A L'AVA 'NA LUPARA!

SAN PEDER, CH'L'È 'L PÜ FÜRBA AD TÜCC I SÒNT,  
L'À SEMPER FACC URIGIA DA MERCÒNT;  
ALMENU LÜ RESTÒNDA SEMPER CITU...

L'À MAI SARÀ 'L PURTON PÈR GRAVE LÜTU.

- DESÀ CH'UI STA RIVÒNDA DL'ATRA GENT  
A VOI CIAMÈT N'AFARI CH'J'AVA AN MENT:  
ÈL VEIRA CHE L'AUTUR DLA TURANDÒT  
CUL ANI CH'U L'À SCRICIA L'ERA MÒRT?  
E IN ATER CH'L'AVA SCRICC 'NA SINFUNIJA  
U L'À CMENSAJA E PO U L'À PÜ FINIJA?

ADÈS U J'È D'J'ARTISTA CON DEL GNUTI  
CH'I FÒN ANMÀ DEL J'ÒPERI INCOMPIUTI...  
AL SO CH'AT STAI PENSÒNDA A J'ASESUR...  
MA ME J'Ó PRÒPI NIENTE CONTRA A LUR.

US FA PÈR DI... S'I FIISU... MÜSICISTA  
E I SO PRUGÈT I FIISU... SINFUNIJI...  
UI VA TREI DI PÈR SCRIVI TÛT LA LISTA  
DEL J'ÒPERI CMENSAJI E MAI FINIJI!

AN MÈS AL MÜGG, BRANCUMA LA PIASÈTA...  
L'EDICULA AN J'È PÜ E L'UBELISCO

L'È DA DOI ANI CHE PÈR CAMBIÈI BAVÈTA  
L'ÒN SPLÀ CME CUI CH'I VÒN A PAGHÈ 'L FISCO!



E CUI CH'I SPECIU EL PÖST ANT U TIRËT?  
 DÖP A DES ANI CH'IJ PEJU PËR AL CÜ,  
 SON FURTINA' S'J'ÖN ZÄ TIRA' I CAUSËT...  
 ALMENU ADËS I S'ANRABEJU PÜ!  
 CON TÛT SUCHÌ J'È ÖNCHE D'J'ASESUR  
 CH'J'ÖN DIMUSTRÄ D'AVEI J'IDEJÌ CIARI:  
 AN FIÖNC AI MARCIAPÉ 'D VIA CAVUR  
 J'ÖN TRACC AN PÉ 'NA FILA 'D LAMPIONARI,  
 SE PRIMA EL MÜRÄJI DL'USPIDAL  
 PËR NENT'UARDÈI 'T SARAVI SEMPER J'ÖGG,  
 ADËS CH'J'ÖN LÜMINAJI COI FANAL...  
 I BOGG E 'L CRËPI 'T J'A VIGHI ÖNCHE 'D NOCC!  
 -EL VEIRA CHE 'NS LA VÖSTRA BÈLA TÈRA  
 J'AURIVU FÈ 'N DEPÖSIT DLA RÜDÈRA?  
 PERCHÈ CH'J'EI NENTA DICC A LA REGION  
 CHE I LISANDREN SON NENT DI SPURCACION?  
 S'I J'EISI AVÌ "N'ADDETTO COMMERCIALE"  
 CH'A L'EIS NUTIFICÄ A LA REGION  
 CHE PËR CETÈ L'ARMENTA DI CASALE  
 'S PUDIVA FÈLI... SCAMBIÖNDLA COI PIVION...  
 ANVECE D'ANRABIÉV I FAVI FÈSTA:  
 A VOI L'UDUR... A LUR EL CACHI AN TÈSTA!  
 -AL SAT CH'J'Ó VIST 'NA VÈGIA AVÖNTI ANT J'ANI  
 NASIJA LÈ 'N SITA' TRA BURMIA E TANI  
 CH'LA SERCA 'D FÈ DU TÛT PËR TENI BÖTA  
 CME CH'J'AVU SEMPER FACC I VÈGG 'D 'NA VÖTA?  
 'SA VÈGIA CH'L'À SEMP' FACC 'NA VITA GRAMA  
 A L'È LA MAMA AD TÛCC I LISANDREN...  
 E LUR ACSE CH'I FÖN QUONDI CH'LA CIAMA?  
 IS VÖTU NÖNCA... CH'LA VAGA AU SO DESTEN!  
 'SA MAMA AD PASIENSA NA J'A TÖNTA,  
 MARIA DI CASTELLO L'È 'NA SÖNTA,  
 'NA SÖNTA CH'AT FA ANCURA TÖNCC AUGÜRÌ...  
 ÖNCHE S'LA SA CHE DÖP AT LA TRASCÜRÌ!  
 -LA CESA DU SIGNUR AN FOND AN FOND  
 U LA GESTIS U STAT PÜ RIC DEL MOND,  
 EPÛRA I PADRON DEL VATICANO  
 I DISU CH'I SÖN PÜ CME TRÈS ANANO...



S'AT CIAMI AJÛT IT MÒNDU SÛBIT VEJA  
 E S'T VOI DI SÒLD... PÈR SCRÛPUL 'T NA DÒN MEJA...  
 ACSÈ PÈR 'NA QUESTIONE DI PRINCIPIO...  
 UI VA DAMÈS PRUVINCIA E MUNICIPIO!  
 - AI TEMP CHE RÛSSIA E AMERICA I RÛSIAVU  
 NUJATER BEN O MA' A LA RANQIAVU:  
 S'A T'EISI DICC CH'AT VAI CON CUI DALÀ...  
 'T MANDAVU IN BASTIMENT AD BACALÀ.  
 DA QUÒND CHE GURBACIÒV... CAPITALISTA  
 A L'È DVENTÀ L'AMIS DI SO NEMIS,  
 CUILÀ CH'I S'APUGIAVU AI CUMUNISTA  
 AD CULP IS SON TRUVÀ ANT I PASTIS!  
 ADÈS CH'U J'È PÛ NIENTE DA SPARTÌ  
 UI TUCA CAMBIÈ NÒM AU SO PARTÌ  
 E SECONDMÈ... PÈR NENT FINÌ 'NT EL "BABI"  
 AI SUGERIS "PARTÌ DEL FA CH'AT N'ABI".  
 EL CAP DLA RÛSSIA CON U RUSARI AN MÒN  
 L'È 'NDACC A TRUVÈ 'L PAPA AN VATICÒN;  
 SE GURBACIÒV U STAVA A TESTA BASA  
 SENS'ATER U L'À FACC ... PÈR BATI CASA.  
 CUL CH'IS SON DICC, IL SÒN ANMÀ LUR DOI,  
 MA QUOND CH'IS SON BRASÀ CME DOI FRADÉ  
 A GURBACIÒV J'ÒN PIÀ EL PÒRTAFOI  
 E A VOITILA... U J'È SPARÌ L'ANÉ!  
 -AL SAT 'SE CH'U M'À DICC SAN BAUDULEN?  
 CHE LÜ L'È 'L PRUTETUR DI LISANDREN  
 ANVECE ME, SON SUL EL PRUTETUR,  
 DU SENDIC MIRABÈL E D'J'ASESUR...  
 IS PÒVER SÒNT AL PARLA CHE 'L MASNÀ...  
 US VIQ CH'L'À MAI ALSÌ 'NA BUSINÀ...  
 AURIVA ZÀ BITÈI EL MÒN ADÒS,  
 MA 'M SON TARTNÌ... A VOT CH'AI ROMPA J'ÒS!  
 -ADÈS A VAG DABON ME CAR SANDREN,  
 SALÛTMI J'ASESUR E I LISANDREN;  
 SE PO PÈR CUL CH'J'Ò DICC CHICDÈN AL CREJA  
 FAI NENTA CAS, ANVECE 'D MANDÈL VEJA,  
 PEILI 'NT I STRAS... E PÒRTLI A BEIVI IN GÒTU A L'USTÈREA.